



Na osnovu člana 70. Zakona o organizaciji organa uprave u Federaciji BiH ("Sl. novine Federacije BiH" broj: 35/05) i člana 268. stav 1. Zakona o dopunskim pravima branilaca i članova njihovih porodica ("Službene novine BPK Goražde" broj: 9/13, 11/14 i 15/19), a u skladu sa Programom utroška sredstava sa ekonomskog koda 614 300 «Tekući transferi neprofitnim organizacijama» („Sl. novine BPK Goražde“ broj: 2/20), Ministarstvo za boračka pitanja Bosansko-podrinjskog kantona Goražde objavljuje:

JAVNI OGLAS

za raspodjelu sredstava za finansiranje ili sufinansiranje projekata boračkih udruženja za 2020. godinu

I Pravo učešća po ovom Javnom oglasu imaju boračka udruženja čija se redovna djelatnost finansira iz Budžeta Bosansko - podrinjskog kantona Goražde, kao i udruženja čija se redovna djelatnost ne sufinansira iz Budžeta Bosansko-podrinjskog kantona Goražde. Pravo učešća po objavljenom Javnom oglasu imaju i udruženja, klubovi i sportska društva u organizaciji manifestacija i memorijalnih turnira i drugih aktivnosti vezanih za boračku populaciju (uključujući rad sa djecom iz boračke populacije), kao i sportisti pojedinci pripadnici boračke populacije u svrhu učešća na značajnim takmičenjima.

II Na osnovu ovog Javnog oglasa vršiće se finansiranje redovne djelatnosti udruženja boračkih populacija registrovanih na prostoru Bosansko-podrinjskog kantona Goražde i to:

1. Udruženje demobilisanih boraca Armije RBiH BPK Goražde;
2. Organizacije porodica šehida i poginulih boraca BPK Goražde;
3. Saveza RVI BPK "Sinovi Drine" Goražde;
4. Savez dobitnika najvećih ratnih priznanja BPK Goražde;
5. Udruženje Veterana rata, Zelenih beretki i Patriotske lige BPK Goražde;
6. Udruženje "Svijetlost Drine" Goražde

Takođe na osnovu ovog Javnog oglasa vršit će se finansiranje troškova:

1. Fondacije "Istina za Goražde"
2. Instituta za medicinsko vještačenje

III Udruženja boračkih populacija i Fondacija iz tačke II Javnog oglasa podnose zahtjev za finansiranje, koji obavezno treba da sadrži:

- Program rada za budžetsku godinu;
- Finansijski izvještaj za prethodnu godinu, sa obuhvatom projekata realiziranih u prethodnoj godini;
- Finansijski plan za narednu godinu sa obuhvatom programiranih projekata;
- Kadrovsku strukturu uposlenih u udruženju;
- Procjena materijalnih troškova rada udruženja;
- Ekonomska i druga opravdanost predloženih projekata;
- Stvarni ili procjenjeni broj članova odnosno populacije koju udruženje zastupa kao i specifičnosti potreba članova udruženja i populacije koje zastupaju;
- Dokaz o održavanju redovne godišnje Skupštine Udruženja.

IV Na osnovu zahtjeva udruženja boračkih populacija i Fondacije iz tačke II Javnog oglasa, procjene realnih potreba od strane Ministarstva za boračka pitanja Bosansko-podrinjskog kantona Goražde i mogućnosti Budžeta utvrđeni su u visini sredstava za sufinansiranje ovih udruženja/Fondacije u iznosu od 140.000,00 KM i to:

Troškovi za pomoć u radu temeljnih boračkih udruženja u iznosu 110.000,00 KM.

Troškovi Fondacije 30.000,00 KM.

Troškovi Instituta za medicinsko vještačenje utvrđeni su Programom utroška sredstava na ekonomskom kodu 614300 "Tekući transferi neprofitnim organizacijama" u visini od 3.000,00 KM, a realizacija istih vršit će se na osnovu zaključenog ugovora između Ministarstva i Instituta.

V Udruženja boračkih populacija čija se redovna djelatnost ne finansira iz Budžeta Bosansko-podrinjskog kantona Goražde, podnose projekte od interesa za boračku populaciju Bosansko-podrinjskog kantona Goražde.

VI Kriteriji na osnovu kojih se raspodjeljuju sredstva za ove namjene aplikantima na Javni oglas iz tačke V su:

1. registracija udruženja;
2. Statut i djelokrug rada udruženja;
3. organizacija i broj članova udruženja;
4. kvalitet ponuđenog projekta, te ekonomska i druga opravdanost projekta;
5. rezultati rada i ostvareni uspjesi udruženja na svim nivoima, uključujući i međunarodni;
6. sredstva koja ova udruženja obezbjeđuju za svoju djelatnost od drugih nivoa vlasti i drugih izvora;
7. projekti realizirani u protekloj godini;
8. sadržaj projekta obavezno se odnosi na doprinos njegovanju tekovina Odbrambeno-oslobodilačkog rata '92-'95, poboljšanje socijalnog statusa boračke populacije, resocijalizaciju specifičnih kategorija boračke populacije (RVI, djeca bez roditelja i sl.) i drugo.
9. Dokaz o održavanju redovne godišnje Skupštine Udruženja.

VII Udruženja iz tačke V Javnog oglasa dužna su dostaviti dokaze o ispunjavanju kriterija navedenih u tački VI Javnog oglasa.

VIII Udruženja boračkih populacija iz tačke V objavljenog Javnog oglasa kojima su odobrena sredstva u prethodnoj budžetskoj godini, a nisu podnijeli izvještaj o namjenskom utrošku odobrenih sredstava dužna su isti dostaviti uz novi zahtjev za odobravanje sredstava u ovoj godini zajedno sa potrebnom dokumentacijom. Ukoliko se uz novi zahtjev ne dostavi izvještaj o namjenskom utrošku sredstava, zahtjev će se smatrati nepotpunim i kao takav odbaciti.

Izuzetno za udruženja boračkih populacija kojima su odobrena sredstva u predhodnoj budžetskoj godini, a nisu doznačena u ukupnom iznosu, izvještaj o namjenskom utrošku sredstava dužni su podnijeti za sredstva koja su isplaćena, na osnovu čega će se zahtjev za novim sredstvima u tekućoj godini smatrati potpunim i kao takav može se uputiti u dalju proceduru za odobravanje sredstava.

IX Dodjela sredstava udruženjima, klubovima i sportskim društvima u organizaciji manifestacija i memorijalnih turnira i drugim aktivnostima vezanim za boračku populaciju

(uključujući rad sa djecom iz boračke populacije), te sportistima pojedincima pripadnicima boračke populacije u svrhu učešća u značajnim takmičenjima, vrši se na osnovu zahtjeva koji sadrži obrazložen projekat sa kojim se aplicira.

Projekti se prijavljuju na adresu Ministarstva za boračka pitanja BPK Goražde, a zahtjev treba sadržavati i druge dokumente kojim se dokazuju zadovoljavanje uslova konkursa kao što su: registracija udruženja, rezultati rada i ostvareni uspjesi udruženja, sredstva koja ova udruženja ostvaruju za svoju djelatnost od drugih nivoa vlasti i drugih izvora, adekvatan dokaz o pripadnosti boračkoj populaciji i drugo.

Na osnovu prijedloga podnosioca zahtjeva, kvaliteta i opravdanosti ponuđenog projekta, procjene realnih potreba od strane Ministarstva za boračka pitanja Bosansko-podrinjskog kantona Goražde i mogućnosti Budžeta, utvrđuje se visina sredstava za finansiranje podnosioca zahtjeva.

Ukoliko su u 2019. godini sredstva bila odobrena podnosiocu zahtjeva, isti je obavezan dostaviti izvještaj o namjenskom utrošku sredstava, bez čega će se zahtjev smatrati nepotpunim i kao takav odbaciti.

X Proceduru odobravanja sredstava po ovom Javnom oglasu provodi posebna komisija koju imenuje Ministar. Uzimajući u obzir opravdanost zahtjeva i kvalitet ponuđenog projekta kao i ostale navedene kriterije (na osnovu dostavljene dokumentacije), te mogućnost finansiranja ili sufinansiranja u odnosu na odobrena budžetska sredstva za ove namjene, komisija će sačiniti listu projekata za finansiranje i sufinansiranje sa prijedlogom visine iznosa, uz saglasnost Ministra za boračka pitanja.

Evaluacija dostavljenih prijedloga projekata i zahtjeva za sredstvima, ocjenjivanje aplikacija Komisija iz predhodnog stava će izvršiti na osnovu Pravilnika o uslovima, načinu, kriterijima i postupku za raspodjelu sredstava za rad udruženja koja se finansiraju/sufinansiraju iz Budžeta i finansiranja/sufinansiranja projekata i aktivnosti udruženja boračkih populacija broj: 11-11-196-2/20 od 04.03.2020.godine.

XI Visinu sredstava za raspodjelu po ovom Javnom oglasu utvrđuje resorno Ministarstvo na osnovu usvojenog Budžeta Bosansko-podrinjskog kantona Goražde za 2020.godinu, u skladu sa Programom utroška sredstava sa ekonomskog koda 614300 "Tekući transferi neprofitnim organizacijama i to: maksimalan iznos granta za pomoć u radu temeljnih boračkih udruženja 110.000,00 KM, troškovi Fondacije "Istina za Goražde" 30.000,00 KM, pomoć u realizaciji projekata boračkih udruženja i zahtjeva boračkih udruženja 92.000,00 KM, pomoć u organizovanju sportskih manifestacija i rekreacija invalidnih osoba pripadnika boračke populacije 5.000,00 KM i troškovi Instituta za medicinsko vještačenje 3.000,00 KM.

Sredstva iz predhodnog stava namjenjena za pomoć u realizaciji projekata boračkih populacija u minimalnom iznosu od 90% odobravat će se po procedurama utvrđenim Pravilnikom i ovim Javnim oglasom, dok će sredstva u iznosu od preostalih 10% se odobravati u slučaju hitnih ili specifičnih potreba u skladu sa odlukom Vlade BPK Goražde, na prijedlog Ministarstva.

Sredstava po ovom Javnom pozivu odobrit će se za projekat poboljšanja statusa pripadnika boračkih populacija Bosansko-podrinjskog kantona Goražde (prevoz), Projekat "TV sjećanje na poginule šehide/borce" i pomoć u organizovanju sportskih manifestacija i rekreacija invalidnih osoba pripadnika boračke populacije.

Preostala sredstva za pomoć u realizaciji projekata boračkih populacija rasporedit će se po posebnom javnom pozivu koje će Ministarstvo za boračka pitanja objaviti u III kvartalu.

U slučaju da se sredstva za pomoć u realizaciji projekata boračkih populacija ne rasporede iz opravdanih razloga, Ministarstvo će za preostali iznos objaviti ponovni javni poziv,

XII Rok za podnošenje prijava po ovom Javnom oglasu je:

- za udruženja/Fondacija iz tačka II Javnog poziva 8 dana od dana objavljivanja,
- za aplikacije po tačkama V i IX je 15 dana nakon objavljivanja

U opravdanim slučajevima uz saglasnost Ministra u razmatranje mogu ući i zahtjevi koji se predaju van roka definisanog ovim Oglasom.

XIII Rezultati Javnog oglasa objaviće se na oglasnoj ploči i web stranici Bosansko-podrinjskog kantona Goražde. Odabrani aplikanti će takođe dobiti pisanu obavijest na dostavljenu adresu.

XIV Sredstva odobrena po osnovu ovog Oglasa se moraju iskoristiti za realizaciju kandidovanog projekta, pri čemu se korisnik sredstava mora pridržavati važećih zakonskih propisa.

XV Svi aplikanti kojima sredstva po ovom Oglasu budu odobrena, obavezni su nakon realizacije odobrenih projekata dostaviti finansijski izvještaj o utrošku odobrenih sredstava zajedno sa kompletnom dokumentacijom. Rok za dostavu izvještaja je 30 dana od dana okončanja projekta, a najkasnije do kraja godine za koju se traži finansiranje.

XVI Nepotpune i neblagovremene prijave neće se uzimati u razmatranje.

MINISTAR

Edin Aganović

Broj: 11-11-557/20
Goražde, 05.03.2020. godine